

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র সরকারের সহায়তায় দ্বিপাক্ষিক সামরিক প্রশিক্ষণ মহড়া সম্পন্ন

ঢাকা, ১১ই মে -- যুক্তরাষ্ট্র সরকার ও বাংলাদেশ সরকারের যৌথ সামরিক প্রশিক্ষণ মহড়া সবেমাত্র শেষ হল। এই মহড়ার নাম 'টিক বাফেলো'। দুই দেশের বিমান বাহিনী এর আয়োজন করেছে। মহড়ার লক্ষ্য হল যুক্তরাষ্ট্র ও বাংলাদেশের বিমান বাহিনীর মধ্যে আন্তঃপরিচালন বৃদ্ধি করা। টিক বাফেলোর অংশ হিসেবে যুক্তরাষ্ট্র ও বাংলাদেশের বিমান সিলেটে বিমান থেকে নিষ্ক্ষেপ কার্যক্রম পরিচালনা করে।

এছাড়াও, যুক্তরাষ্ট্রের বিমান বাহিনীর অংশগ্রহণকারী সদস্যরা ঢাকায় এগলাল'স এবিসি স্কুলে এক কম্যুনিটি আউটরিচ কর্মসূচিতে অংশগ্রহণ করার সুযোগ লাভ করে। যুক্তরাষ্ট্রের সামরিক বাহিনীর সদস্যরা স্কুলের ৬০জন শিক্ষার্থীর মধ্যে শিক্ষাপকরণ বিতরণ করে। এই স্কুলে কিভারগার্টেন থেকে পঞ্চম শ্রেণী পর্যন্ত শিক্ষার্থী রয়েছে। স্কুলের প্রধান শিক্ষিকা জহিরুন নেসা বলেন, "আমাদের শিক্ষার্থীরা দরিদ্র পরিবার থেকে এসেছে।" তিনি আরো বলেন, "যদি এই শিশুরা স্কুলে না আসত, তাহলে হয়তো তারা রাস্তায় ভিক্ষা করত।" স্কুল শিক্ষাপকরণ প্রকল্প কর্মকর্তা ও টিক বাফেলোর অপারেশনস কর্মকর্তা ক্যাপ্টেন গ্রেচেন হল্ডেন বলেন, "আমাদেরও কিছু দেওয়া বেশ গুরুত্বপূর্ণ। আমাদের দেশের লোকেরা প্রয়োজনীয় স্কুল শিক্ষাপকরণ দান করতে ভীষণ আগ্রহী ছিল যার ফলে এই কর্মসূচি সফল হয়েছে।"

এই প্রশিক্ষণ বাংলাদেশ এবং যুক্তরাষ্ট্র সামরিক বাহিনীর মধ্যে অনেকগুলো যৌথ কর্মসূচির অন্যতম। এবছর বাংলাদেশ সেনাবাহিনী এবং বাংলাদেশ নৌবাহিনীর সঙ্গে দু'টি অতিরিক্ত প্রশিক্ষণ মহড়া অনুষ্ঠিত হবে। বিমান ও নৌ মহড়া ছাড়াও যুক্তরাষ্ট্রের সামরিক বাহিনী মানবিক সহায়তা এবং চিকিৎসা প্রশিক্ষণ নিয়ে বাংলাদেশের সঙ্গে যৌথভাবে কাজ করেছে। এসব মহড়া এশিয়া এবং প্রশান্ত মহাসাগরীয় অঞ্চলজুড়ে আন্তঃসামরিক সম্পর্ক উন্নয়নের মাধ্যমে আঞ্চলিক নিরাপত্তার প্রতি যুক্তরাষ্ট্র সরকারের অঙ্গীকারেরই বহিঃপ্রকাশ।

=====

জিআর/ ২০০৮

**দ্রষ্টব্য:** এই নিবন্ধের ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল:

[DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov)) যোগাযোগ করুন।